



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Arbitrium inter Altahen. & Osterhouen.

**urn:nbn:de:hbz:466:1-13591**

tur. Præterea assignauit nobis XXVIII. lib. monetæ Ratisponen. pro comparando prædio quod possit annuatim soluere duas libras quarum sibi dimidia pars, videl. vna lib. cedat, ad infirmariam verò reliqua pertineat, post obitum, verò ipsius prædicti redditus ad domum infirmorum plenarie pertinebunt. Nihilominus autem, vt eadem domus necessitatibus fratrum debiliū comoda valeat construi, quinque lib. nob. obtulit, petens vt quicquid deliquit misericordiæ operibus expietur. Cæterum perpendens illud, Dum crescunt dona crescit simul ipsa corona. Duas lib. addidit pro comparandis IV. vaccis in caseis & lacte infirmis & minutis fratribus profuturis. Nos igitur cum desiderijs suis non possemus ad præsens in comparando prædio satisfacere, curiam nostram, in Oxigen à prædecessoribus nostris emptam loco præfati prædij tantundem, soluentem assignamus eidem donec Deo volente aliud emere valeamus. Attendentes verò tantis redditibus eandem domum difficulter posse subsistere, compassionem naturæ induciti, & promissæ nobis patriæ cupientes gloriam consequi de cōiuentia fratrum nostrorum communi consilio de redditibus claustrī ordinauimus atque statuimus per nos & successores nostros singulis annis dari ad eandem domum XII. porcos valentes tria talen. vel eosdem den. & omnem decimationem carniū, tam intrinsecus quam extrinsecus totius nostræ parochiæ infirmis fratribus ac minutis. secundū discretionem Prælati eiusdem domus prouisoris, salua ordinis forma statutis temporib. misericorditer profuturā. Ad instantiam verò prædicti Domini *Reinoldi*, frater suus Dominus *Perchtoldus de Perndorf*, pro remedio animæ suæ dedit ad eandem domum quoddam prædium in *Christorf*, quod soluit annuatim dim. lib. & xenia, & Domina de *Horbach* ordinauit decimam in *Reispach*, quam nobis maritus eius dominus *Chunradus* restatus est dari prædictæ domui mod. tritici censualem, & altilia de eadem Curia profutura. Ne quis igitur successorum nostrorum hanc nostram ordinationem, piāque præfati viri eleemosynam villo modo audeat violare, sub interminatione extremi iudicij inhibemus, adiungentes vt de præscriptis redditibus annuarius patris sui & suus singulis annis quanto honestius cum dimid. lib. poterit celebretur. Vt autem talis nostra ordinatio, & sæpediti viri procuratio firma & inconuulsa perpetuis temporibus conferuetur, præsens scriptum exinde confectum sigillis talibus: videl; Domini Abbatis de *Wimberg*, & patris abbatis domus nostræ prælati de *Visperch*, nec non & nostro & Capituli nostri, ac ipsius plebani de *Regen* iussimus roborari. Acta sunt hæc anno incarnationis Domini cæ M. CC. LXVII. XII. Kal. May. Indictione XI.

#### Arbitrium inter *Altahen*. & *Osterhouen*.

PER præsens scriptum pateat vniuersis, quod cum homines villæ de *Munichdorf*. ex vna parte, & homines villæ de *Wizzenfing* ex altera semper in tertio anno tunc videl: quando Campi vtriusq; villæ sibi oppositi sine semine iacent, quod vulgo dicitur *Trat* diuersa iurgia fierent, assententibus hominibus de *Munichdorf*, quod pratium interiacēs illis campis tunc deberet ad eorum pascua pertinere. Illis verò hominibus de *Wizzenfing* assententibus, quod ipsi tunc sicut in prioribus duobus annis deberent ipsum pratium ab omnibus pascuis custoditum falcare. Tandem nos *Hermannus* abbas in *Altach*, & *Chunr.* Præpositus in *Osterhouen*, cum consensu venerab. Abbatissæ de *Obernmyenster* per litteras eius porrecto, ac etiam nobilis vir de *Hals*, bonorum vtriusq; Monasterij in illis partibus aduocatus, cum multitudine, proborum hominum, in prato conuenimus memorato & per arbitrum in sedecim personas ex vtraque parte promis.

promissum concordauimus talimodo, vt tunc, hoc est in quolibet tertio anno immediate illius prati, quædam pars eius tunc fossis & lapidib. terminate distincta singulis annis custodiri debeat & falcari: illa verò pars prati quæ ab inde versus occidentem extenditur, & illa quæ à prædicto limite vergit ad orientem, tunc quando sicut prædictum est ager vtriusque villæ sine cultura iacent, ad ambarum villarum pascua debeant pertinere. Hoc excepto vel superaddito, vt quando quædam pars agrorum de *Vvinzzensing* versus occidentem iacuerit cum cultura, tunc illi homines de *Munichdorf*, vltra stratam publicam cum suis pecoribus pascua nõ requirent. Et ne præfati homines de *Munichdorf* & de *Vvinzzensing*, ad Ecclesias *Altach*, *Osterhouen* & *superius Monasterium* pertinentes, supradictam diffinitionem siue compositionem excedere vel irritare præsumat, sigilla prædictorum Dominorum vid. H. Abbatis de *Altach* & Chr. Præpos. de *Osterhouen*. & Abbatissæ *superioris Monasterij Rat*: ac etiã Domini *Alberti* nobilis de *Hals* ad robur & testimonium omnium prædictorum huic paginæ sunt appensa, quorundam nihilominus testium nominibus subnotatis: Testes *Altmannus* de *Winzler*, *Hugo* de *Rotenmann* iudex tunc, *Heinr.* de *Heiming*, *Heinr.* *Gauman*, *Rudigerus* Iudex de *Osterhoue Vlr.* & *Götpoldus* de *Otmaring*, *Heinr.* de *Oetling*, *Leutpoldus*, *Alhard*, & *Paltrvinus* de *Aeming*, *VVernhardus* de *Sähsing*, *Heinr.* de *Auerbach*, *Eberhardus* de *Mulbaim*, *Chunr.* Official de *Puehouen*, *Egno* villicus de *Monichdorf*, & alij multi. Actũ in vigil. S. *Margarete*, anno Domini M. CC. LXIX. Amen.

Precarium Hubæ in *VVinckhel*.

Omnibus Christi fidelibus præsentibus pateat, quod quidam Colonus Ecclesiæ *Osterhouen*. Hubam quandam eiusdem Ecclesiæ dictam in *VVinckhel* quã hæreditario iure ab Ecclesia possederat irrequisito & inconuulso Conuentu Domino *Rapoto* de *Ezzenbach* vendidit, quam ille subter eodem iure liberis suis reliquam & ipsi eandem, hubam cuidam *VVrico* dicto de *Runting* in feodo contulerunt. Verum cum Colonus Ecclesiæ hubam præfatam, nec vendere nec alienare potuisset ab Ecclesia, prædictæ Ecclesiæ rectores tam diu ipsos coram iudicio seculari conuenerunt, donec testibus idoneis comprobauerunt quod præfatus *VVricus* & dominus *Albero* de *Ezzenbach* quem collatorem sui feodi memorabat, nihil iuris in eadem huba haberent, sed quadam violentia possederunt. Postmodum verò dominus *Rapoto* prædictam Ecclesiam super eadem huba impetiuit, sed mediante consilio domini de *Hals* & aliorum honestorum virorum, hac conditione prædictam causam terminarunt, vt datis XII. solitis præfato *VVric.* dominus *Rapoto* vna cum hæredibus suis & *Vlr.* cum hæredibus suis omni iuri quod in eadem huba se fatebantur habere penitus renunciarent, quod & fecerunt præsentibus domino de *Hals* & domino *Al.* de *Rotarve* & sigillorum suorum munimine roborantibus abrenuntiationem superius memoratam. Ne autem in posterum super prædicta causa Ecclesiæ *Osterhouensi* aliquod scrupulum dubietatis oriatur, præsens scriptũ sigillis domini de *Hals* & domini *R.* de *Ezzenbach*, & Domini *al.* de *Rotarve* munitum eidem est Ecclesiæ assignatum. Testes *Fridericus* de *Eglolsheim*, *Leupoldus* de *Ekharting*, *Hilprandus* Iudex de *Griez pach*, *Chunr.* de *Poppenperg*, *V Vernberus* *Pincerna*, *Frid.* de *Sigenheim*, *Rugerus* *VVetzel* & alij quam plures. Acta sunt hæc anno Domini M. CC. LXX. Idus Septemb. Indictione XIII.